

आकाशवाणी

खास-खास खबरां:-

- प्रधानमंत्री नरेन्द्र मोदी अज्ज नमीं दिल्ली च रुस दे राष्ट्रपति ब्लादीमीर पुतिन हुंदे कन्नै गल्लबात करगंन।
- रुस दे राष्ट्रपति ब्लादीमीर पुतिन होरें आखेया ऐ जे भारत ते रुस दा आपसी सहयोग कुसै बी मुल्ख दे खिलाफ नैई ऐ ते एदा इक्कला मकसद दौनें देशें दे राष्ट्रीय हितें दी राक्खी करना ऐ।
- भारतीय रिजर्व बैंक दंऊ दंऊ महीने च कीती जान- आली अपनी मौद्रिक नीति-समीक्षा दा अज्ज ऐलान करोग।
- गृहमंत्री अमित शाह अज्ज गुजरात च कैई सारी महत्वपूर्ण ढांचागत ते सार्वजनिक सुविधाएं आली परियोजनाएं दा उदघाटन करगंन।
- शहरी हवाबाजी सरबंधी नागरिक निदेशालय नै विमानन कम्पनी इंडीगो दियां डोआरिया रद्द होने दे मद्देनजर- एदे कम्मे दी समीक्षा कीती ऐ।
- राष्ट्रीय जांच एजेंसी एन.आई.ए. नै हथियारें ते गोलाबरुद दी तस्करी आले मामले च कैई सारें राज्यें च छापे मारिये 4 लोकें गी गिरफ्तार कीता ऐ।

<><><><><><>

PM –Putin Talks

प्रधानमंत्री नरेन्द्र मोदी अज्ज नमीं दिल्ली च रुस दे राष्ट्रपति ब्लादिमीर पुतिन हुंदे कन्नै गल्लबात करगंन। दौनें नेता इस दौरान दपक्खी सरबंधे दा जायजा लैगंन ते दपक्खी हितें आले कैई सारे इलाकाई ते आलमी स्तह दे मुद्दें पर बी विचार बंटादरा करगंन। इस दौरान बक्ख-बक्ख खेतरें जियां बपार- अर्थबवस्था- सेहत दिक्खभाल- शिक्षा- संस्कृति ते मीडिया दे खेतरें च कैई सारे समझौतें पर दस्तख्त कीते जाने दी मेद ऐ।

राष्ट्रपति पुतिन होर जंदी संजा दंऊ दिने दे दौरै पर नमीं दिल्ली पुज्जे ते इस दौरान ओ 23में भारत-रुस सालाना शिखर सम्मेलन च हिस्सा लेंगन। प्रधानमंत्री नरेन्द्र मोदी होरें ब्हाई अड्डे पुज्जियै बड़ी गर्मजोशी कन्नै उंदा सोआगत कीता। पुतिन हुंदा अज्ज बड्डलै राष्ट्रपति भवन च रस्मी सोआगत कीता जाग। एदे मगरा ओ राजघाट जाइयै महात्मा गांधी होरें शरदांजलि अर्पित करगंन। राष्ट्रपति द्रौपदी मुरमू होर संजा लै रुसी राष्ट्रपति हुंदे सम्मान च इक धाम दी मेजबानी करगंन। ध्यानजोग ऐ जे भारत ते रुस अपनी सामरिक सांझ-भ्याली दे 25एं बरे दा जशन मना करदे न।

<><><><><><>

Putin- Indo- Russia Relation

रुस दे राष्ट्रपति ब्लादीमीर पुतिन होरें आखेया ऐ जे भारत ते रुस दा आपसी सहयोग कुसै बी मुख्य दे खिलाफ नैई ऐ ते एदा इक्कला मकसद दौनें देशें दे राष्ट्रीय हितें दी राक्खी करना ऐ। भारत दे रुस कन्नै ऊर्जा सरबंधें दे बारे च बोलदे होई श्री पुतिन होरें आखेया जे किश मुख्य अंतराष्ट्रीय बजारें च भारत दी बददी भूमिका ते रुस कन्नै नेडमें सरबंधें गी पसंद नैई करा रदे न। उनें आखेया जे एकडे मुख्यें दा मकसद अपने सियासी हितें लेई नकली रुकावटा पैदा करियै भारत दे बददे असर गी घट्ट करना ऐ। पच्छिमी मुख्यें आसेया रुस पर लाई गेदी बंदिशें दा जिक्र करदे होई पुतिन होरें आखेया जे एदे कन्नै भारत दे कन्नै जारी रुस दे ऊर्जा सहयोग उप्पर कोई असर नैई पौग। पुतिन होर भारत दे अपने दंऊ दिनें दे दौरै कोला पैहले इक टी.वी. चैनल कन्नै गल्लबाद करा रदे हे। भारत आसेया रुस थमां कच्चा तेल खरीदने गी लेइयै अमरीका पासेया जताए जा करदे एतराज गी खारिज करदे होई पुतिन होरें आखेया जेकर अमरीका रुस थमां ईंधन खरीदी सकदा ऐ तां फही भारत ऐसा की नैई करी सकदा। रुसी राष्ट्रपति होरें आखेया जे अज्जै दे समें च भारत कन्नै ऐसा व्यवहार नैई कीता जाई सकदा जेड़ा कैई दहाकें पैहले कीता जंदा हा।

पुतिन होरें आखेया जे भारत दे प्रधानमंत्री नरेन्द्र मोदी होर ऐसी शखिसयत नई हैन जेड़ी तौले दबा हेठ आई जा ते भारत दे लोकें गी अपने प्रधानमंत्री पर गर्व होना लोइचदा। उनें आखेया जे रुस छड़ा भारत गी रक्षा तकनीक बेचा गै नई करदा सगुआं ए तकनीकां भारत कन्ने सांझिया बी करा करदा ऐ।

<><><><><><>

### RBI -Monetary Policy

भारतीय रिजर्व बैंक दंऊ-दंऊ महीने च कीती जाने आली अपनी मौद्रिक नीति समीक्षा दा अज्ज ऐलान करोग। आर.बी.आई. दी मौद्रिक नीति सरबंधी कमेटी नै जंदे बुद्धवारें मुम्बई च त्रंऊ दिने दी सलाह-सूत्र आली प्रक्रिया शुरु कीती ही। RBI दे गवर्नर संजय मलहोत्रा होर अज्ज बड्डलै मौद्रिक नीति सरबंधी फैसले दी घोषणा करगंन। किश माहिरें दा मनना ऐ जे RBI ब्याज दियें दरें च 25 बुनियादी अंके दी कटौती करी सकदा ऐ। मौद्रिक सरबंधी कमेटी दी ए बैठक घटा रदी महंगाई दर ते बदा करदी GDP विकास दर दे मद्देनजर लाई जा रदी ऐ। ध्यानजोग ऐ जे RBI नै इस बरे फरवरी थमां 3 बारी लौहकी मुद्दत आहले दोआर दी ब्याज दरें पर सौ बुनियादी अंके गी कटौती करी दिती दी ऐ।

<><><><><><>

### North -East Development

बंदरगाहें ते जहाजरानी मंत्री सर्वानंद सोनोवाल होरें आखेया ऐ जे हाल दे सालें च पूर्वोत्तर क्षेत्र देश च विकास दा केन्द्र बनी गया ऐ। सोनोवाल होरें कल नमीं दिल्ली च संवाददाताएं गी आखेया जे केन्द्र सरकार दी नीतियें ते कार्यक्रमें दे जरिए पूर्वोत्तर च सम्पर्क ते संचार सनें सारे क्षेत्र च तेजी कन्ने विकास होआ ऐ। उनें आखेया जे पिच्छले 11 बरे च इस क्षेत्र गी भारत दी अष्टलक्ष्मी दे रूप च मान्यता लब्बी ऐ- जेड़ा भारत दे विकास- सम्पर्क ते राष्ट्री गौरव गी दर्शादा ऐ। सोनोवाल होरें आखेया पूर्वोत्तर क्षेत्र दे विकास च वाणिज्यिक हवाई अड्डे-सैमीकंडक्टर ते रेलवे दे विस्तार दी अहम भूमिका ऐ।

उनें हाल च गै शुरु किते गेदे भैरबी सौरांग सनें 7 दुई सम्पर्क परियोजनाएं दा जिक्र कीता। ए परियोजनां पूरी होई चुकी दियां न ते नागालैंड- मणिपुर- सिक्किम ते मेघालय च 4 राजधानी सम्पर्क रेल परियोजनाएं पर कम्म चला करदा ऐ।

<><><><><><>

#### HM -Gujrat Visit

केन्द्रीय गृहमंत्री अमित शाह होर अज्जै थवां त्रै दिन दे गुजरात दौरै पर रौहगंन। अपने दौरै दौरान ओह अहमदाबाद- गांधीनगर ते बनास कांठा कांठा च केई कार्यक्रमें च शामिल होगंन। शाह होर मेद ऐ जे अहमदाबाद- म्युनिसिपल कारपोरेशन दी केई सारी महत्वै आहली ढांचागत ते जन-सुविधाएं कन्नै जुड़ी दी परियोजनाएं दा उदघाटन करगंन। आकाशवाणी संवाददाता नै जानकारी दिती ऐ जे शाह होर अपने दौरै दी शुरुआत स्वदेशी जागरूक मंच आस्सेया आयोजित स्वदेश उत्सव दे उदघाटन कन्नै करगंन। मगरा मंत्री हुंदा नाबार्ड –IAMAI Earth Summit 2026-26 गी सम्बोधित करने दा कार्यक्रम ऐ। एदे मगरा मंत्री होर गांधीनगर च नमें तयार रेलवे ओवर ब्रिज ते अंडरब्रिज स्पोर्ट्स काम्पलैस्क दा उदघाटन करगंन। मंत्री होर सांसद खेल महोत्सव दे समापन समारोह च बी शामिल होगंन।

<><><><><><>

#### DGCA- Indigo Review

नागर विमानन महानिदेशालय डी.जी.सी.ए दी कल इक समीक्षा बैठक लाई गई- जेदे च नागर विमानन मंत्री राम मोहन नायडू- मंत्रालय दे वरिष्ठ अधिकारी ते विमानन कम्पनी इंडिगो दे शीर्ष अधिकारी शामिल होए। पिच्छले महीने दे अखीरै थवां कम्पनी दी सेवाएं च आई दी केई कमिये-खामिये दी जानकारी मगरा एह बैठक लाई गई। इंडीगो हर रोज लगभग 170 थवां 200 डोआरियां रद्द करा रदी ऐ- जेडियां सामान्य थमां बडियां बद्द न।

डी.जी.सी.ए नै इक ब्याने च आखेया ऐ जे रुकावट मुख्य करी संशोधित डोआरिये दी समे-सीमा- चालक दल दी योजना बनाने च औने आहली समस्याएं ते सर्दी दे मौसम करी परिचालन सरबन्धी चुनौतिये करी होआ रदी ऐ। कम्पनी नै आखेया ऐ जे इयां किश होर दिन तगर होई सकदा ऐ कि जे कम्पनी इने डोआरिये दे तय समे गी स्थिर करने दा कम्म करा रदी ऐ।

<><><><><><>

#### NIA- Illegal Arms

राष्ट्रीय जांच एजेंसी एन.आई.ए नै 4 लोकें गी गैर-कनूनी तौर पर हथियार ते असला बरुद दी तस्करी सरबन्धी मामले च गिरफ्तार कीता ऐ। एन.आई.ए दी 22 टीमें त्रै राज्यें दी केई सारी थाहरें पर छापेमारी कीती। इन्दे च बिहार दियां 7- उत्तर-प्रदेश दियां 13 ते हरियाणा दे कुरुकक्षेत्र दियां 2 थाहरां शामिल न। इस दौरान टीम नै भारी मात्रा च असला बरुद बरामद कीता। टीम आस्सेया इक करोड़ रपे नकद- डिजिटल ते इलैक्ट्रानिक उपकरण ते किश आपत्तिजनक समेयान बी बरामद कीता ऐ। तपाशी अभियान दौरान एन.आई.ए नै पटना थमां शशी प्रकाश- शेखपुरा थवां रवि रंजन सिंह ते कुरुकक्षेत्र थवां Vijay Kalra ते Kush Kalra गी गिरफ्तार कीता ऐ। इने सब्बने दी इस मामले च सक्रिय भूमिका सामने आई। एन.आई.ए नै आखेया ऐ जे एह हथियार ते असला -बरुद हरियाणा थवां उत्तर-प्रदेश भेजेया जन्दा हा ते फही बिहार ते होर दुए हिस्से च लैता जंदा हा।

<><><><><><>

#### Narco Terrorism

इक बड्डी सफलता दे तौरा पर जम्मू पुलस नै वीरवारें बन्नै पारा दे नार्को आतंकवाद नेटवर्क दा पर्दाफाश कीता। इस च 6 लोकें गी गिरफ्तार कीता गया ते कन्नै हथियारें दे कन्नै- कन्नै 5 Kg. हिरोईन बी जब्त कीती गई। आकाशवाणी जम्मू दे संवाददाता दी रिपोर्ट मुजब बरामद कीते गेदे कांटाबैंड दी कीमत अंतराष्ट्रीय बाजार च 30 करोड़ रपे शा मती ऐ।

एस.पी. जम्मू साउथ अजय शर्मा होरें दस्सेया जे इस कारवाई दे चलदे इस गिरोह दे 6 सदस्यें गी गिरफ्तार कीता गया ऐ- जिंदे चा 4 गी न्यायिक हिरासत च भेजी दिता गया ऐ। पुलस नै तकरीबन 5 किलो हिरोईन ते त्रै-पस्तोलां बरामद कीतियां न- जिसदे चलदे पाकिस्तानी हैंडलरें कन्नै जुड़े दे इक बड़डे नशा तस्करी मॉडयूल दा पता लग्गया ऐ। मीडिया आहले कन्नै गल्लबात करदे होई एस.पी. अजय शर्मा होरें आखेया.....

<><><><><><>

### GDP Security Review

डी.जी.पी. नलीन प्रभात होरें कल उधमपुर जिले दा दौरा लाया ते उत्थे जारी आपरेशन ते समग्र सुरक्षा स्थिति दी समीक्षा कीती। आकाशवाणी जम्मू दे संवाददाता दी रिपोर्ट मुजब अंदरुनी ते बन्ने आहले इलाकें च जमीनी स्तर उप्पर पुलस ते सुरक्षाबलें तक्कर पुज्ज बनाने दे जतनें दे चलदे डी.जी.पी. होरें बसंतगढ़ इलाके दे अपने दौरें दरान जारी कारवाइयें दी समीक्षा कीती ते सब्बनें बलें दे अफसरें कन्नै इक सांझी बैठक दी अध्यक्षता कीती। डी.जी.पी. हुंदे कन्नै इस दौरें च आई.जी.पी. जम्मू B.S. Tuti- IG CRPF Gopal Rao- SSP Udhampur Amod Nagpura ते CRPF ते सेना दे अफसर बी शामिल हे। अपने इस दौरें दरान उनें आखेया.....

<><><><><><>

### Chess

भारती गेंड मास्टर अर्जुन एरिगेसी नै साबका वर्लड चैम्पियन विश्वनाथन आनंद गी हराइयें जेरुसलम मास्टर्स 2025 दा खिताब जिती लैता ऐ। पैहले मुकाबले बेनतीजा रौहने दे मगरा अर्जुन नै Tie-ब्रेक दे राहें एह खिताब जितेया ऐ। एदे शा पैहले अर्जुन नै सैमीफाइनल च रुस दे गेंड-मास्टर स्वीडलर गी हराया- जिसले के विश्वनाथन आनंद नै World Blitz चैम्पियन इयान नेपोम-नियातची गी हराइयें फाईनल च थाहर पक्की कीती ही।

<><><><><><>